



ილიას სახელმწიფო უნივერსიტეტი



საქართველოს ენციკლოპედიის
ჯორჯიული ბიბლიოთეკა

სტეფანე სანანოისძე

წმიდისა სტეფანე
პირველმოწამისაჲ

წმიდისა სტეფანე პირველმოწამისაჲ
სტეფანე სანანოისძე

წმიდისა სტეფანე პირველმოწამისაჲ თავნი იტყვიან ”სტეფანე”
სუფევს ღმერთი წარმართთა ზედა, გიხაროდენ ყოველსა ერსა,
რომელიცა ქალწულისაგან გამოგჳჩ[ნდა].

ტალავარნი ზეცისანი

განგებუნეს შენ ზესკნელისანი,

სტეფანე, და იხილენ საყდარნი

და ერნი ნათლისანი

ზეშთა კრებულისანი,

მაქებელნი მამისანი

ძისა და სულისა წმიდისანი.

ეჰა სრული სათნოებითა,

სავსე იგი სასოებითა,

სანატრელი სტეფანე, სარწმუნოებითა

მამისა აღსარებითა,

ძისა დიდებითა,

სულისა წმიდისა მადლითა,

სამებისა ქადაგებითა.

ფარისეველმან მოშურნემან

და შემდგომად ჭურმან რჩეულმან,

სიკუდილდ მისცა სტეფანე პავლე მოციქულმან,

ხოლო ერმან უშჯულომან,

კრებულმან ამომან,

ქვაჲ დაჰკრიბა უწყალომან,

და გვრგვნოსან-ყო უფალმან.

ანგელოზნი აღიარებენ,
ადამიანნი ადიდებენ
ლუაწლსა შენსა, სტეფანე, აქებენ
მლდელნი და დღესასწაულობენ,
მთავარნი უგალობენ,
მეფენი იხარებენ
და მეოხად აღგიარებენ.
ნათლისა წარუვლისამან,
მოწამეთა მათ წინამძღურისამან,
წამა ძჳ მარჯულ მამისა პირველ-მოწამემან,
მასწავლელმან მარტულთამან,
მოლუაწემან მწირთამან,
მოძღუარმან მოლუაწეთამან
და მეოხმან მორწმუნეთამან.ერი ბრალსა დასდებდა
და კრებული ქვასა დაჰკრებდა,
ხოლო წმიდაჲ სტეფანე ქრისტესა აღიარებდა,
სიკუდილსა მას იხარებდა,
სულსა შეჰვედრებდა,
ერისათჳს ევედრებოდა
და გვრგვნოსან იქმნებოდა.